

UNIVERZITET U TUZLI
Ul. Dr. Tihomila Markovića br. 1
Broj: 01-161-JN-10/24 LOT2
Tuzla, 14.11.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda broj: 01-161-JN-9/24 LOT2 od 13.11.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, direktor za ekonomske poslove, *donio je*

O D L U K U O IZBORU NAJPOVOLJNIJEG PONUĐAČA

I

U otvorenom postupku javne nabavke piletine u komadu i rasjeka piletine i proizvoda od pilećeg mesa (LOT2) za potrebe restorana Studentskog centra Univerziteta u Tuzli sa sukcesivnom isporukom do 31.12.2025. godine, izabran je ponuđač „Redex“ d.o.o. Banovići, sa ponudnom ukupnom cijenom 52.699,50 KM (bez PDV-a), odnosno 61.658,41 (sa PDV-om), te se istom dodjeljuje okvirni sporazum.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke dostavi original ili ovjerene kopije svih uvjerenja/potvrda kojim se dokazuje vjerodostojnost date Izjave iz člana 45. stav (2) tačka a) do d) Zakona o javnim nabavkama BiH.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je otvoreni postupak javne nabavke piletine u komadu i rasjeka piletine i proizvoda od pilećeg mesa (LOT2) za potrebe restorana Studentskog centra Univerziteta u Tuzli sa sukcesivnom isporukom do 31.12.2025. godine, broj: 01-161-JN-2/24 LOT 1-LOT 8 od 12.09.2024. godine, objavljenog na Portalu javnih nabavki obavještenje broj: 795-1-1-118-115/24 od 27.09.2024. godine, a sažetak u „Službenim novinama BiH” broj: 67/24 od 04.10.2024. godine i WEB stranici Univerziteta.

U ostavljenom roku ponudu su dostavila tri ponuđača: „Redex“ d.o.o. Banovići, „Lala i Laćo“ d.o.o. Bijeljina i “EURO MEAT” d.o.o. Maglaj, te je izvršeno javno otvaranje ponuda što je konstatovano Zapisnikom sa otvaranja ponuda broj: 01-161-JN-8/24 LOT2 od 18.10.2024. godine.

Analizirajući ponudu ponuđača **“EURO MEAT” d.o.o. Maglaj** Komisija za javne nabavke imenovana Rješenjem broj: 01-161-JN-3/24 LOT 1-LOT 8 od 12.09.2024. godine, je utvrdila daje ponuda nepravilna iz sljedećih razloga:

Ugovorni organ je tačkom 3.5.2. pod f) tenderske dokumentacije zahtijevao da se opis robe koja je predmet isporuke dostavi u vidu proizvođačke deklaracije za stavke pod rednim brojem: 7, 8, 9, 10, 11, 12 i 13, te da dostavljena deklaracija mora biti usklađena sa

zahtijevanim opisom proizvoda iz kolone 2 te nazivom proizvođača kojeg ponuđač navede u koloni 5 Obrasca za cijenu ponude. Deklaracija se dostavlja kao neovjerena kopija, a data je mogućnost da se dostavi i kao print verzija sa interneta, na kojoj se jasno vidi zahtijevan opis ponuđenog proizvoda.

Ugovorni organ je za stavku 7. Obrasca za cijenu ponude zahtijevao: Pileća prsa u ovitku (sastav: pileća prsa min. 70 %, pakovanje 400 gr.). Ponuđač je dostavio fotografije traženog proizvoda na kojima se vidi sastav pilećih prsa, ali se na slikama ne vidi da je ispunjen zahtijevani uslov u pogledu gramaže, tj. da je pakovanje od 400gr.

Ugovorni organ je za stavku 8. Obrasca za cijenu ponude zahtijevao: Pileću hrenovku, hot-dog obarenu kobasicu (sastav: otkošćeno pileće meso minimum 75 % , pakovanje 1000 gr). Ponuđač je dostavio deklaraciju proizvoda iz koje je vidljivo da se radi o proizvodu sa 70% pilećeg mesa, što nije u skladu zahtijevanim opisom proizvoda iz kolone 2 Obrasca za cijenu ponude.

Ugovorni organ je za stavku 11. Obrasca za cijenu ponude zahtijevao: Pileći parizer u ovitku - barena kobasica od pilećeg mesa (sastav: otkošćeno pileće meso minimum 65%, pakovanje 400 gr.). Ponuđač je dostavio fotografije traženog proizvoda na kojima se vidi sastav pilećeg parizera, ali se na istim ne vidi da je ispunjen zahtijevani uslov u pogledu gramaže, tj. da je pakovanje od 400gr.

Ugovorni organ je za stavku 12. Obrasca za cijenu ponude zahtijevao: Kokošiju paštetu (sastav: min. 30% kokošijeg mesa, konzerva sa samootvaračem). Ponuđač je dostavio proizvođačku specifikaciju konzerve paštete, ali se iz iste ne vidi da je ispunjen zahtijevani uslov da se radi o konzervi sa samootvaračem.

Ugovorni organ je za stavku 13. Obrasca za cijenu ponude zahtijevao: Pileći naraezak (sastav: pileće meso 70%, pakovanje konzerva sa samootvaračem 150 g). Ponuđač je dostavio proizvođačku specifikaciju iz koje je vidljivo da se radi o proizvodu sa 60% pilećeg mesa i 7 % tkiva, što nije u skladu zahtijevanim opisom proizvoda iz kolone 2 Obrasca za cijenu ponude. Iz proizvođačke specifikacije se također ne vidi da je ispunjen uslov da se radi o konzervi sa samootvaračem.

Zbog naprijed navedenog ponuda ponuđača "EURO MEAT" d.o.o. Maglaj se odbacuje.

Komisija za javne nabavke ima primjedbu na numeraciju ponude ponuđača "EURO MEAT" d.o.o. Maglaj koja počinje od broja 115, a završava sa brojem 182, ali obzirom da su sve stranice ponude numerisane na način da je vidljiv redni broj stranice i da je obezbijeden kontinuitet numerisanja ovakav način numerisanja se smatra manjim odstupanjem od uslova i zahtjeva iz tenderske dokumentacije i nije eliminatorne prirode.

Analizirajući ponudu ponuđača „Lala i Laćo“ d.o.o. Bijeljina Komisija je utvrdila da je ponuda neprihvatljiva jer ne ispunjava kriterije za kvalifikaciju i to iz sljedećih razloga:

Tačkom 3.5.2. pod a) definisano je da je uz spisak izvršenih ugovora ponuđač dužan dostaviti i potvrde, koje su u vezi sa spiskom isporučene robe, a koje daje druga ugovorna strana o njihovoj realizaciji, a koje (potvrde) obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede;

Ponuđač je dostavio spisak izvršenih ugovora, a na strani 45. i 46. Ponude priložio Izjavu da sa ugovornim organima JU "Studentski centar" Pale, JZU banjisko - rekreativni centar

Aquaterm Olovo, JZU Bolnica Srbija, JU Studentski centar Sarajevo i Zavod za zbrinjavanje mentalno invalidnih lica Drin ima zaključene okvirne sporazume ili ugovore koji su u određenom iznosu uspješno realizovani i kao dokaza za navedeno dostavlja Zahtjeve upućene na e-mail adrese navedenih ugovornih organa za izdavanje Potvrde o uspješnoj realizaciji ugovora. Međutim ponuđač nije naveo objektivne razloge zbog čega nije mogao dobiti potvrde o uspješno realizovanim poslovima niti je predočio dokaze o učinjenim pokušajima da se takve potvrde osiguraju, a u Zakonu je decidno navedeno da u slučaju **da se takva potvrda iz objektivnih razloga ne može dobiti** od ugovorne strane koja nije ugovorni organ, **važi Izjava** o uredno izvršenim ugovorima **uz predočenje dokaza o učinjenim pokušajima** da se takve potvrde obezbijede.

Ponuđač je dostavio ispis e-maila upućen dana 11.10.2024. godine naslovljen na JU "Studentski centar" Pale za izdavanje Potvrde/reference o uspješno realizaciji ugovora zaključno sa 10.10.2024. godine, za nabavku roba - pilećeg mesa po okvirnom sporazumu u vrijednosti od 8.059,97 KM bez PDV-a. Uvidom u Izvještaj o preuzimanju tenderske dokumentacije od strane ponuđača utvrđeno je da je ponuđač „Lala i Lačo“ d.o.o. Bijeljina preuzeo tendersku dokumentaciju 02.10.2024. godine, a zahtjev za izdavanje potvrde uputio 11.10.2024. godine, sedam dana prije roka za dostavljanje ponuda. Komisija za javne nabavke smatra da ponuđač nije na vrijeme osigurao izdavanje potvrde o uspješno realizovanom ugovoru i ocijenio da predočenje jednog pokušaja da se potvrda obezbijedi nije zadovoljavajući dokaz o učinjenim naporima.

Ponuđač je dostavio ispis tri e-maila upućena dana 11.10.2024. godine naslovljena na JZU banjско - rekreativni centar Aquaterm Olovo za izdavanje Potvrde/reference o uspješno realizaciji ugovora zaključno sa 14.03.2024. godine, 22.08.2023. godine i 12.02.2023. godine. Komisija za javne nabavke cijeni da je od navedenih datuma protekao dovoljno dug period da ponuđač pokuša na još neki način pribaviti potvrdu, bilo da uputi urgenciju ili da na drugi zakonom propisan način dođe do iste i smatra da dostavljeni zahtjevi putem e-maila nisu dovoljan dokaz da ponuđač iz objektivnih razloga nije mogao dobiti potvrdu druge ugovorne strane i nisu dovoljno čvrst dokaz da su učinjeni naporima da se osigura potvrda.

Isto tako Ponuđač je dostavio ispis e-maila upućen dana 11.10.2024. godine naslovljen na JZU Bolnica "Srbija" za izdavanje Potvrde/reference o uspješno realizaciji okvirnog sporazuma zaključno sa 17.07.2024. godine, za nabavku prehrambenih proizvoda - LOT 3 meso i mesne preradevine po okvirnom sporazumu u vrijednosti od 30.851,75 KM bez PDV-a, od toga pilećeg mesa i preradevina u vrijednosti od 9.196,25 KM bez PDV-a. Komisija za javne nabavke cijeni da je od navedenog datuma protekao dovoljno dug period da ponuđač pokuša na još neki način pribaviti potvrdu, bilo da uputi urgenciju ili da na drugi zakonom propisan način dođe do iste i smatra da dostavljeni zahtjev putem e-maila nije dovoljan dokaz da ponuđač iz objektivnih razloga nije mogao dobiti potvrdu druge ugovorne strane i nije dovoljno čvrst dokaz da su učinjeni naporima da se osigura potvrda. Ponuđač je i od momenta preuzimanja tenderske dokumentacije do momenta predaje ponude imao dovoljno vremena da osigura potvrdu o uspješnoj realizaciji ugovora.

Nadalje, Ponuđač je dostavio ispis e-maila upućen dana 11.10.2024. godine naslovljen na JU Studentski centar Sarajevo za izdavanje Potvrde/reference o uspješno realizaciji ugovora zaključno sa 08.09.2024. godine, za nabavku mesenih preradevina po ugovoru u vrijednosti od 33.102,57 KM bez PDV-a, od toga pileće preradevine (pileća salama, pileća hrenovka...) u vrijednosti od 9.693,74 KM bez PDV-a. Komisija za javne nabavke cijeni da je od navedenog datuma protekao dovoljno dug period da ponuđač pokuša na još neki način pribaviti potvrdu, bilo da uputi urgenciju ili da na drugi zakonom propisan način dođe do iste i smatra da dostavljeni zahtjev putem e-maila nije dovoljan dokaz da ponuđač iz objektivnih razloga nije mogao dobiti potvrdu druge ugovorne strane i nije dovoljno čvrst dokaz da su

učinjeni napori da se osigura potvrda. Ponuđač je i od momenta preuzimanja tenderske dokumentacije do momenta predaje ponude imao dovoljno vremena da osigura potvrdu o uspješnoj realizaciji ugovora.

Ponuđač je dostavio ispis e-maila upućen dana 11.10.2024. godine naslovljen na Zavod za zbrinjavanje mentalno invalidnih lica Drin za izdavanje Potvrde/reference o uspješno realizaciji okvirnog sporazuma zaključno sa 13.12.2023. godine, za nabavku mesnih konzervi u vrijednosti od 40.903,20 KM bez PDV-a, od toga pilećih preradevina (pileća pašeta, pileći narezak) u vrijednosti od 17.942,40 KM bez PDV-a. Komisija za javne nabavke cijeni da je od navedenog datuma protekao dovoljno dug period da ponuđač pokuša na još neki način pribaviti potvrdu, bilo da uputi urgenciju ili da na drugi zakonom propisan način dođe do iste i smatra da dostavljeni zahtjev putem e-maila nije dovoljan dokaz da ponuđač iz objektivnih razloga nije mogao dobiti potvrdu druge ugovorne strane i nisu dovoljno čvrst dokaz da su učinjeni napori da se osigura potvrda.

Obzirom da su zahtjevi za izdavanje potvrde poslani sedam dana prije roka za dostavljanje ponuda da se zaključiti da su zahtjevi upućeni gore navedenim ugovornim organima da bi se formalno, ali ne i stvarno zadovoljio uslov iz tačke 3.5.2. pod a) tenderske dokumentacije vezan za predočenje dokaza o učinjenim pokušajima da se potvrde o izvršenim ugovorima obezbijede.

Dakle, ponuđač „Lala i Laćo“ d.o.o. Bijeljina nije dokazao da je uspješno realizovao ugovore sa Spiska izvršenih ugovora dostavljenih uz ponudu, niti je naveo objektivne razloge zbog čega nije mogao dobiti potvrde o uspješno realizovanim poslovima niti je predočio dovoljno uvjerljive dokaze o učinjenim pokušajima da se takve potvrde osiguraju, zbog čega je ponuda ponuđača ocijenjena neprihvatljivom jer ne ispunjava kriterije za kvalifikaciju.

Daljom analizom ponude utvrđeno je da je ponuda i nepravilna jer nije u skladu sa zahtjevima iz tenderske dokumentacije iz sljedećih razloga:

Ugovorni organ je tačkom 3.5.2. pod f) tenderske dokumentacije zahtijevao da se opis robe koja je predmet isporuke dostavi u vidu proizvođačke deklaracije za stavke pod rednim brojem: 7, 8, 9, 10, 11, 12 i 13, te da dostavljena deklaracija mora biti usklađena sa zahtijevanim opisom proizvoda iz kolone 2 te nazivom proizvođača kojeg ponuđač navede u koloni 5 Obrasca za cijenu ponude. Deklaracija se dostavlja kao neovjerena kopija, a data je mogućnost da se dostavi i kao print verzija sa interneta, na kojoj se jasno vidi zahtijevan opis ponuđenog proizvoda.

Za stavku 12. Obrasca za cijenu ponude zahtijevana je: Kokošija pašeta (sastav: min. 30% kokošijeg mesa, konzerva sa samootvaračem). Ponuđač „Lala i Laćo“ d.o.o. Bijeljina dostavio fotografije konzerve pašete, ali se na slikama ne vidi da je ispunjen zahtijevani uslov da se radi o konzervi sa samootvaračem.

Ugovorni organ je za stavku 13. Obrasca za cijenu ponude zahtijevao: Pileći narezak (sastav: pileće meso 70% , pakovanje konzerva sa samootvaračem 150 g). Ponuđač „Lala i Laćo“ d.o.o. Bijeljina dostavio fotografije konzervepilećeg nareza, ali se na slikama ne vidi da je ispunjen zahtijevani uslov da se radi o konzervi sa samootvaračem.

Zbog naprijed navedenih razloga ponuda ponuđača „Lala i Laćo“ d.o.o. Bijeljina se odbacuje. Analizirajući ponudu ponuđača „Redex“ d.o.o. Banovići u pogledu kvalificiranosti i ispunjavanja zahtjeva iz tenderske dokumentacije, te prema sadržaju i potpunosti, Komisija za javne nabavke utvrdila je da je ponuda potpuna i prihvatljiva prema kriteriju za izbor, da sadrži sve kvalifikacione dokaze zahtijevane tenderskom dokumentacijom i da ispunjava zahtjeve u pogledu cijene i opisa predmeta nabavke, a da je ponuđač kvalifikovan za dobro obavljanje posla.

Provjerom računske ispravnosti ponude ponuđača „Redex“ d.o.o. Banovići uočena je računrska greška u ukupnoj cijeni ponude sa PDV-om, te mu je dostavljen Upit za ispravku utvrđene računrske greške broj: 01-161-JN-8/24 LOT 2 od 12.11.2024. godine, u skladu sa tačkom 5.8. Tenderske dokumentacije. Ponuđač je dostavio odobrenje ispravke računrske greške broj: 219-11/24 od 13.11.2024. godine, kojim je ispravku računrske greške u ukupnoj cijeni sa PDV-om potvrdio tako da ukupna cijena njegove ponude iznosi 61.658,41 KM sa PDV-om.

Obzirom da je pristigla samo jedna prihvatljiva ponuda, e-aukcija nije zakazana.

Budući da ponuda ponuđača „Redex“ d.o.o. Banovići zadovoljava sve postavljene uslove utvrđene tenderskom dokumentacijom i da je u svemu prihvatljiva za Univerzitet, to je Komisija predložila da se sa navedenim ponuđačem zaključi okvirni sporazum za nabavku piletine u komadu i rasjeka piletine i proizvoda od pilećeg mesa (LOT2) za potrebe restorana Studentskog centra Univerziteta u Tuzli, sa sukcesivnom isporukom do 31.12.2025. godine.

Uvažavajući sve naprijed navedeno i da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-161-JN-9/24 LOT2 od 13.11.2024. godine

DIREKTOR

ZA EKONOMSKE POSLOVE

Alden Osmanbegović, dipl.oec.

DOSTAVITI:

- 1x Svim ponuđačima
- 1x WEB portal
- 1x a/a

